

VENDIM
Nr. 432, datë 13.7.2007

PËR KLASIFIKIMIN E FUNKSIONEVE, TRAJTIMIN ME PAGË DHE SHTESA
MBI PAGË PËR PUNONJËSIT NË SHËRBIMIN INFORMATIV TË SHTETIT

(Ndryshuar me VKM nr. 605, datë 27.4.2009)

(i përditësuar)

Në mbështetje të nenit 100 të Kushtetutës, të neneve 8 e 22 të ligjit nr. 9357, datë 17.3.2005 “Për statusin e punonjësit të Shërbimit Informativ të Shtetit”, të nenit 5/1 të ligjit nr.8487, datë 13.5.1999 “Për kompetencat për caktimin e pagave të punës”, të ndryshuar, dhe të ligjit nr. 9645, datë 27.11.2006 “Për Buxhetin e Shtetit të vitit 2007”, me propozimin e Zëvendëskryeministrit, Ministrit të Brendshëm dhe Ministrit të Financave, Këshilli i Ministrave

VENDOSI:

1. Punonjësit e Shërbimit Informativ të Shtetit, sipas detyrave që kryejnë në shërbim dhe funksioneve organike që kanë, klasifikohen në 4 nivele, sipas lidhjes nr.1, që i bashkëlidhet këtij vendimi dhe është pjesë përbërëse e tij.

2. Struktura dhe nivelet e pagave, sipas niveleve të klasifikimit, për punonjësit e Shërbimit Informativ të Shtetit janë sipas lidhjes nr.2, që i bashkëlidhet këtij vendimi dhe është pjesë përbërëse e tij.

3. Paga bazë mujore për klasë, sipas çdo niveli klasifikimi, është sipas kolonës 4 të lidhjes nr.2, që i bashkëlidhet këtij vendimi.

4. Shtesa për gradë, sipas çdo niveli klasifikimi, është sipas kolonës 6 të lidhjes nr.2, që i bashkëlidhet këtij vendimi.

5. Punonjësve të Shërbimit Informativ të Shtetit, sipas çdo niveli klasifikimi, u jepet shtesë për vjetërsi në punë, në masën 1 për qind, mbi pagën bazë mujore për klasë, por jo më shumë se 25 për qind, sipas kolonës 5 të lidhjes nr.2, që i bashkëlidhet këtij vendimi. Për llogaritjen e kësaj shtese njihet vjetërsia e përgjithshme në punë.

6. Të drejtën e pagës e gëzojnë edhe kursantët për periudhën, që vazhdojnë kursin e kualifikimit, pranë Institutit të Shërbimit Informativ të Shtetit. Paga e kursantit është sa paga minimale e inspektorit të Shërbimit Informativ të Shtetit.

7. Punonjësve të Shërbimit Informativ të Shtetit, që marrin pagën sipas niveleve të klasifikimit të këtij vendimi, u jepet shtesë për vështirësi vendi dhe zone, në masën deri në 60 për qind të pagës bazë mujore.

Masa për çdo shtesë, vendi i punës, vështirësia e funksionit, si dhe kriteret për përfitimin e shtesës mbi pagë, përcaktohen me akt normativ të drejtorit të Shërbimit Informativ të Shtetit.

8. Efektet financiare, për vitin 2007, që rrjedhin nga zbatimi i këtij vendimi, të përballohen nga fondet buxhetore, të planifikuara për rritjen dhe reformën në sistemin e pagave, për këtë vit.

9. Ngarkohet Shërbimi Informativ i Shtetit të nxjerrë aktet normative përkatëse për zbatimin e këtij vendimi.

10. Vendimet nr.56, datë 27.2.1992 “Për trajtimin me pagë dhe shtesa mbi pagë të ushtarakëve në Shërbimin Informativ Kombëtar”, të ndryshuar, dhe nr.43, datë 7.2.2002 “Për pagesën e kandidatëve, që punësohen në Shërbimin Informativ Shtetëror” të Këshillit të Ministrave, shfuqizohen.

Ky vendim hyn në fuqi pas botimit në Fletoren Zyrtare dhe i shtrin efektet financiare nga data 1.7.2007.

KRYEMINISTRI
Sali Berisha

(Ndryshuar me VKM nr. 605, datë 27.4.2009)

KLASIFIKIMI I FUNKSIONEVE NË SHËRBIMIN INFORMATIV TË SHTETIT

Funksionet në shërbimin Informativ të Shtetit, klasifikohen në 4 nivele:

- I. Punonjës mbështetës;
- II. Punonjës të nivelit zbatues;
- III. Punonjës të nivelit të mesëm drejtues;
- IV. Punonjës të nivelit të lartë drejtues.

Niveli I: Merret me zbatimin e detyrave në këtë nivel, duke u bazuar në eksperiencën profesionale të fushës, dhe në njohuritë e specialitetit.

- | | |
|---------------------------------------|-----------------|
| a) Ndhmës inspektor. | Klasa I.1 – I.4 |
| b) Inspektor në drejtoritë e bazës. | Klasa I.5 |
| c) Inspektor në drejtorinë e Tiranës. | Klasa I.6 |

Niveli II: Ka përgjegjësinë për punën konkrete, sipas drejtimeve të miratuara, bën të mundur koordinimin e mendimit dhe opsioneve të reja në një fushë të caktuar, përgatitjen e materialeve përfundimtare, të cilat duhen aprovuar nga niveli menaxhues, sipas hierarkisë administrative.

- | | |
|---|------------|
| a) Inspektor në Aparatin Qendror;
Kryetar dege në drejtoritë e bazës;
Përgjegjës seksioni në Drejtorinë e Tiranës. | Klasa II.1 |
| b) Kryetar dege në Drejtorinë e Tiranës;
Përgjegjës sektori/Grupi në Aparatin Qendror;
Zëvendësdrejtues dhe Kryetar dege në drejtoritë e bazës;
Inspektor në Aparatin Qendror. | Klasa II.2 |
| c) Zëvendëskryetar dege në Aparatin Qendror;
Punonjës i teknologjisë së Informacionit në Aparatin Qendror;
Shef baze/turni në Aparatin Qendror;
Inspektor në Aparatin Qendror. | Klasa II.3 |

Niveli III: Ka përgjegjësinë e programimit të punëve, menaxhimit dhe zbatimit të tyre, për drejtimet që mbulon, në përputhje me prioritetet e Shërbimit Informativ të Shtetit, të cilat duhen miratuar dhe aprovuar nga niveli menaxhues më i lartë i njësive strukturore sipas drejtimeve përkatëse.

- | | |
|---|-------------|
| a) Kryetar dege në Aparatin Qendror; | Klasa III.1 |
| b) Drejtues drejtorie në drejtoritë e bazës;
Zëvendësdrejtues drejtorie në Aparatin Qendror;
Zëvendësdrejtues dhe Kryetar dege në Drejtorinë e Tiranës;
Kryetar dege dhe përgjegjës i njësive funksionale. | Klasa III.2 |

Niveli IV: Ka përgjegjësi për menaxhimin e punës në Shërbimin Informativ të Shtetit, përcaktimin e strategjisë dhe hartimin e politikave të përgjithshme në fushat që mbulon njësia e tij strukturore, përdorimin me efikasitet të të gjitha burimeve financiare, njerëzore etj., me qëllim arritjen e rezultateve të përcaktuara, si dhe dhënien e produktit përfundimtar, Drejtorit

apo zv/Drejtorit të Shërbimit Informativ të Shtetit.

a) Këshilltar;
Drejtor drejtorie në Aparatin Qendror;
Drejtor drejtorie në Drejtorinë e Tiranës;
Zëvendësdrejtor departamenti.

Klasa IV.1

b) Shef kabineti
Drejtor Departamenti.

Klasa IV.2

Lidhja nr.2

(Ndryshuar me VKM nr. 605, datë 27.4.2009)

**STRUKTURA DHE NIVELET E PAGAVE SIPAS KLASIFIKIMIT TË FUNKSIONEVE, PËR
PUNONJËSIT NË SHËRBIMIN INFORMATIV TË SHTETIT**

Nivelet e klasifikimit	Klasifikimi i punonjësve sipas niveleve	Klasa për çdo nivel klasifikimi	Paga bazë mujore për klasë në lekë	Shtesa për vjetërsi në %	Shtesa për gradë në %
1	2	3	4	5	6
I	Punonjës mbështetës	I.1	18000	1%	2%
		I.2	21000	1%	2%
		I.3	24500	1%	3%
		I.4	27500	1%	5%
		I.5	36000	1%	6%
		I.6	37000	1%	6%
II	Punonjës të niveleit zbatues	II.1	41000	1%	8%
		II.2	44000	1%	12%
		II.3	46000	1%	12%
III	Punonjës të niveleit të mesëm drejtues	III.1	49000	1%	14%
		III.2	51000	1%	16%
IV	Punonjës të niveleit të lartë drejtues	IV.1	55000	1%	20%
		IV.2	63000	1%	20%
Jashtë klasifikimit	Inspektor i Përgjithshëm në Sh.I.Sh.		124000	0%	0%